

PROMOTION

150 ONNS BANCA CHANTUNALA GRISCHUNA

#gkb2020  **Banca Chantunala
Grischuna**

L'aua – in bain d'export impurtant

Cun ses glatschers, lais e flums è il Grischun la chombra d'aua da l'Europa e dapi passa 100 onns nizzegian ils Grischuns la forza idraulica per producir electricitat. Il piunier è stà l'hotelier ohannes Badrutt che ha construì il 1878 l'emprima turbina d'aua pitschna. Ils 18 da fanadur 1879 ha glischà en la sala da mangiar da l'hotel «Kulm» a San Murezzan l'emprima glisch electrica da la Svizra.

In veritabel boom ha la forza idraulica fatg tras en il Grischun tranter ils onns

1950 e 1970, cura ch'ins ha construì nun-dumbraivels implants gronds ch'en anc oz d'impurtanza considerabla per il provediment d'electricitat da la Svizra. Cun ina producziun da forza electrica da stgars 8000 uras gigawat l'onn furnescha il Grischun in tschintgavel da l'electricitat producida en Svizra en ovras idraulicas. La forza idraulica sco bain d'export impurtant è consequentamain da gronda mun-tada per l'economia publica dal Grischun. 75 pertschient da l'electricitat producida

vegn exportada en l'ulteriura Svizra ed a l'exterior. Quai correspunda ad ina valur da martgà da 300 fin 600 milliuns francs l'onn.

■ **Tut las infurmaziuns davart
il giubileum da la BCG sut
gkb2020.ch.**

